

اداره مخصوصه

درسعادتده باب عالی خاده سنده

محل اداره :

مشارف

۱۳۲۶

انتشار :

مسک منز موافق آثار جدید مع المنوبیه

قبول اولنور

درج ابدلین آثار احاده اولغاز

دین ، فلسفه ، ادبیات ، حقوق و علوم دین باحث هفته لق رساله در

مؤسسلری : ابوالعلا زین العابدین - ح . اشرف ادیب

درسه دتده
ولایاتده
مملک اجنبیه ده

سنه لکی
القی آیانی
۶۰
۸۰
۸۰
۳۰
۴۰
۴۰

تاریخ تاسیسی :
۱۱. نمرز ۳۲۴

درسعادتده نسخهی ۵۰ پاره در

قیرله دن مقوا بورو ابله کوندربلیرسه سنوی
۲۰ فروش فضله آلنیر

درسعادتده پوسته ابله کوندربلیرسه ولایات بدلی باخدا اولنور.

عدد : ۳۱

۳ ربیع الاول ۳۲۷ پنجشنبه ۱۲ مارت ۳۲۵

ایکنجی جلد

ملت پرورک اوزانديغمز شوالی کمال محبت و شفقتله صیقلیره جغه والردن کلدیکی قدر معارفه و ترقیاتمه معاونتده بولنه جقیرینه ذاتاً امیز .

زوبسکی : احمد ناج الدیه

ارتحال نبیدن صکره بین المسلمین محدث ایدن اختلافات

زمان سعادتده باطناً نفاق و ظاهراً وفاق اوزره بولنانلردن ماعدا عموم معاشر مسلمین بر عقیده ثابت ایدیلر . وقتاکه ارتحال نبوی وقوع بولدی ، بعض مسائل اجتهدیهده بین المسلمین اختلافات ظهور ایلدی . صدر اسلامده کی اختلافلرک مشهورلری شونلردر :

۱- اسامه بن زیدک امارتی مسئلهسی : پیغمبر افندمرک عبد معتی بولنان بو ذاتک قومانداسی التده بر اردو ترتیب اولمسی و کبار مهاجرین و انصاردن برخیلی ذواتک دخی بو اردویه مأمور اولمسی حقنده کی اراده نبویهک شرقتعلقی اوزرینه منافقلر تفرقه احداثه شو امری نم الوسیله عد ایدمرک (باقکز حضرت محمد اجله مهاجرین و انصار اوزرینه بر غلامی امیر نصب ایدیور) ترهاتیه واقع اولان تغلیط اذهاندن تولد ایدن اختلافدرکه حضرت رسالتپناهدهده کیفیت عکس ایتش و بو طعنک و قتیله اسامهک پدری حقندهده روا کورلدیکی ، کرک اسامهک کرک پدرینک بو امر خطیره لیاقتلری درکار بولندیقی مقام تقریعهده بیان بیورلقله برابر اردونک تجهیزسی و بو بایده مخالفت ایدنلرک رحمت سبحانیهدن دور قالهجنی دخی امر وانذار بیورلمش ایدی .

فقط او صرهلرده مزاج هایونلرینه انحراف طاری اولدیغندن اسامه اردوسی حرکت ایدمهامش و عقیندهده ارتحال نبوی وقوعبولهرق بلیه ارتداد اطراف واکنافده یوز کوسترمش اولدیغندن اذهان اصحاب اشبو احوال مؤلهدن اندیشهناک اولهرق پکانه قوه اسلامیهی تشکیل ایدن شو اردونک مدینهدن تباعد ایتلمسی ایچون خلیفه رسول الله اولان صدیق اعظمه مراجعت ایتشلر ایهده فرمان رسالتی عدم انفاذ کندیلری ایچون مستحیل اولدیغنی جوابی آلمشلردر . حضرت بو جوابی اعطا ایتمکه برابر اردونک تجمع ایتسنی دخی امر بیورمش اولدقلرندن اسامه ؛ معیتندن حضرت عمری اردونک مدینهدن تباعدی حرم نبونک و مدینهده متمکن اسلاملرک تأمین سلامتلی نقطهسنده محذوردن سالم اولهمیهجنی بیانیله طرف خلافت ارسال ایلدیکی کی انصاردخی اردویه سنأ ده قداملی بر ذاتک امیر تعینی لزومنی صدیق اعظمه تبلیغ ایلمسنی حضرت عمردن رجاء ایتشلر ایدی .

حضرت ابوبکر اسامهک معروضات مشروحهسنی امر نبونک دائره نجات باهره سندن انحراف غیر قابل اولدیغنی و بوبایده کی فرمان قضا جریان رسالتی همه حال تنفیذ ایجاب ایده چکی بیانیله رد ایلدکاری کی انصارک تبلیغاتنه قارشیده حضرت پیغمبرک منصوبی اولان بر ذاتی عزل ایله نتیجهلن بر تکلیفه توسط ایتش اولمسندن طولانی حضرت عمره عتاب بیورمشلرایدی . عقینده بالذات محل اجتماعه عزیمتله اردویی تشییع

مقدس صایلمه سندن طولانی شو خطابنامهک تأثیر ایتمسی و اهالی آره سنده اسکیدن موجود قتهی برقات دها علولدیمره رک عاداتا اهالی ی ؛ مترقی عد ایدیلن مکتب ، مدرسهلره هجومه دعوت ایتسی دیمک اولدینی مستغنی عن الیاندرو .

عوام ناس بوکی ذاتلری حامی دین و ملت اعتقاد ایدمرک ساده اشارتلینه منتظر اولهلرینی بر امرطیبی دیه تلقی ایدیورلر . زیرا قاج عصر دنبرو روسیه حکومتک تعقیب ایلدیکی میسیونرلرک مسلك سقیمی آرتقی اهالی ی سرسمله تمش . دین کسوه سنه برونه ن خریفلر کیفلینه تبعیتاً نه کی حرکاتده بولنسلر ونه کی خرافات سویله سله اهالی ده قبوله میالدرلر . آنکچون بومنفعتپرست متصوفلر ایسته دکاری کی کندیلرینی حامی دین کوستره بیلیورلر .

استقبالده رفاه و سعادتلی کافل اولان کنجلمزک احوالنه کذبجه ؛ کمال تأسفه دیه بیلورمکه افعال و حرکاتلری مقصدلرینک بستیون عکسی ؛ مقصدلری شوفلک زده ملتیرینی بر آن اول ترقی ایتدیرمک ، افعال و حرکاتلری ایسه روس کنجلیرینه تقلید . عوام اولدقجه دیندار ، لکن دین مبین غراده اولان اوامر و نواهی طورور ایکن خارجدن بعض اوامر و نواهی احداث ایدیورلر . کنجلمز ایسه بوکون او غرادینغمز فلاکت روسلرک سوء اداره سندن اولدیغنی خاطرلرندن چیقاروب تدنییه باعث هپ دیندر ، ادعای باطلنده بولنیورلر . ینلرنده کی شو ضدیت افکار منافریه منجر اولهرق کنجلمزک ترقی خصوصنده کی القاری هیچ حکمنده قالیور . شبهه یوقدرکه بزملمک مترقی و متمدن اولمسی عوامک مترقی و متمدن اولمسی دیمکدر . حامی ترقی و مدنیت عد ایدیلن کنجلمزله عوام یننده بویله بر منافرت موجود ایکن ترقی نصل متصور اولسون ؟

ملتک روسلره اولان نفرتی آرتق صوک درجه یی بولمش ، روسلرک مکتبنه کیروبده استفاده ایتک و اوسایهده ملته خدمت ایتک شمذیلک امکان خارجندهدر . برامیدمز وارسه اوده ممالک علیه عثمانیهده اولان مکاتبدر . بناء علیه ممالک عثمانیهده اولان مکتبلرک لزومی درجه سنده اصلاحی بر عثمانیلدن زیاده آرزو ایدرز . بزلی ، بزلک زده ملت محکومه یی ساحه سلامت و سعادتیه چیقاره جق آنجق عثمانی قرن داشلریمز اوله بیلور .

عثمانیلرک سعادت بزم سعادتیز دیمک اولدیغندن شو کافل سعادت اولان دور حریت بر عثمانی قلبنده نه کی تأثیراتی موجب اولدیه بزمده قلبمزه عینی تأثیراتی موجب اولمشدر . بر عثمانی ممالک عثمانیهک ازهرجهت اصلاحی نصل آرزو ایدرسه بزلهده اونسبتده آرزو ایدیورز . زیرا مرجعمز ، ملجأمز ، کافل سعادتیز و مقتدی بهمز هپ آنلردر . آنلرک مسعودیتی بزم مسعودیتیز ، آنلرک موجودیتی بزم موجودیتیز ، و آنلرک (معاذ الله) محو اولمسی بزم محو اولمه مز دیمکدر . مقدا اوزانديغمز دست اخوتی دور مسعودیت مناسبیه برکره ده اوزاتییورز . ینلرمز دیناً ، جنساً و مذهباً اولان ارتباط و کندیلرنده کوردیکمز

ایلمشیر . واسب سوار اولان حضرت اسامه نك یاننده یایا اوله رق یوریمکدن هر درلو الحاح و ابرامه رعماصرف نظر بیورمیه رق اردوده کی انتظام عسکرینک بتون مقتضیاتنه اتباع لزومی ایچون جهانیه بر درس امثال ویرمشر ایدی شو حرکت عسکریه نك عالم اسلامیه پك چوق فائده سی اولمش . اسلام معارضلرینک منویات و تصورات فاسده لرینی زیروزبر ایتشدیر .

اشته اوائل اسلامده ظهور یافته اولان اختلافلردن بری نفاق یوزندن تحدت ایدن و اسامه نك عهد سنه تودیع اولنان وظیفه یه عدم ادعاسیله ایلری سوریلان شو مسئله درکه موجب عبرت پك چوق جهتلیری محتویدر .

۲ — جناب رسالت مآبک ارتحال دارنعم بیورمش اوللرینک لزوم اعلانی امرنده کی اختلافدرکه رؤیت جمال حبیب اللهدن محروم قالان اجله صحابه درد افتراقدن متدهش و سرگردان اوله رق ارتحال پیغمبرینک وقوع بولدیغنی استماعه کنیدیرنده طاقت و تحمل کورمه ماش اولدقلردن ناشی بوخصوصی تفوهه مساعده ایتماش اوللری اصحاب کرامنک بعضلرنجه موجب اعتراض اولمش و وفات پیغمبریدن باحث اوله رق شرف نازل اولمش اولان آیات کریمه نك تلاوتیه افده متحسره تسکین و قلوب امت تطمین اولمشدر .

۳ — روضه مطهره نك امر انتخابنده کی اختلافدر . زیرا بو خصوصده کی آرا مکه ویا مدینه ویا قدسدن برینی انتخابده . مشقت بولنیورایدی . نهایت حضرت ابو بکر جانبندن « اینیانک وفات ایلدکلری محللرده دفن اولنه جقلرینه » دائر اولان حدیث شریف نقل روایت اولمش و بونک اوزرینه اک صوک بزم ناسوت هایونلری اولان منزل مبارکک انتخاب اولمشی بالاتفاق قرارگیر اولمشدر . صلی الله تعالی علیه وسلم .

حلقه لی زراعت مکتب عالیسی
عقائد دینه معلی
ما نظ مصطفی صدفی

عبدیق فکر

دور نالت

دور علم

دین حامیلری بو اوچنچی دور قدر دهشتلیسنی کورمه مشلردی . مع مافیه اولانجه افراط و تفریطلریله ، سفسطه لرلیله ، عنادلریله ، مغالطه لرلیله برابر بودورک ظهوری بر امر منتظر ایدی . دهها طوغریسی پك طبیعی ایدی . زیرا بو دورک یوزنی قرارتان رذائلک دهها دور سابقده ظهور ایدن بر طاقم مقتضیات و اردی که اونلر اولماسه ییدی بونزده میدان بولمازدی .

بوندن اولکی دورده بعض کتب سماویه اصحابی بر طاقم افراط پوزرانه خطیئانه بولندیلر که اونلرک بو یا کلش حرکتلری بالمقابله خصمیلرینک

تفریط آمیز سفسطه لرینی احجاب ایشدی . چونکه بو صورتله ایکی فرقه متضاده آرمه سنده توازن حصوله کله رک ، مظهر هدایت اولان فطرت سلیمه اصحابی سیل اعتداله رجوع ایده جک ایدی . بو ایسه بر قانون الهیدرکه افرادک و امترک آتمن اولدقلری هر خطوه تجددده ، هر انقلابده مشاهده اولنور .

اوا فراط پوزرانه خطیئادن بری دین غیر تکشیرینک حریت عقل و علم اوزرینه اجرا ایلدکلری تضییق ایله افکاری ایچندن چیقلماز طار بر طاقم دوائر ایچنده محصور بولندیرملری ، عقلی دشمن دین صورتنده تلقی ایدهرک واسطه عقل ایله ادراک دینه یول یوقدر ، ظننده بولمیلیدر . دیگرکی ده ذات خالق ادراک مخصوصنده اقرار عجز ایتیه رک الوهیتی کنیدی عقل و تصورلرینه موافق کلن بر طاقم صفات ایله تصویره قالدشمالری ، خالق ده بو صورتله اعتقاده ، بو صورتله عمله سوق ایدوب مناقشه یه جرات ایدنلری جز الاندیرملری ، خلقت کائناتک کیفیت و ماهیتی ده مسائل دیندن صایملری ، طبیعی کنیدی فکر نجه تقدیره قالدشمه رق قوای طبیعی ، عجائب طبیعی اسکی خرافات نامه لرده کوریلن طرزده حصر و تحدیده یلتمیلیدر .

ناسی بوکی غلطاتی قبوله سوق خصوصنده او قدر ایلری کتیدیلر که کیمده حریت عقلدن بر شمه حس ایتدیلسه در حال قهر و تنگیل ایلدیلر . حقوباتک اک شدیدینه اک سریغنه چاریدیلر ، نه قدر علمانی آتشلره آتدیلر ، نه قدر حکمای داره چکدیلر ، نه قدر اذکیانی زهرلیدیلر ، نهایت دینک بالک اولان ناصیه سنی لکدار ایتدیلر . دین راهبر عدل و انصاف ایکن طوتدیلر . ظلمه بروسيله ، ترقی شکنلکه بر عنوان خالنه قویدیلر ، لیکن هیئات که قانون مانعسوز ترقینک سیرینی توقیف ایدمیدیلر . زیرا بو قانون نامحدود اولان عواملیه ، مؤثراتیه بشری پیشگاه قدومنده آماده طوران غایه کاله وارماسی ایچون طاغلری ، چوللری آشوب یکجهکه سوق ایتمکدن بر آن خالی قالمیور . ایشته اوته کیلر ظلم و تضییقه ایلری کتدکجه خلق ده بومنفور استبداددن ، بوقورقچ نفوذدن قورتللق ایچون بر چاره آزماق ضرورت قاهره سیله انتباهه کلدی . هدف اولدقلری تضییقات ایله بصیرتلی بر قاتدها آچیلدی ، سوبدای قلدلرنده کی نیران تأثر آله سیدلکنه پارلادی . بخشایش فطرت اولان ملکات ذهنیه لری فیضاب انبساط اولدی . آرتق کندیلرنده انوار عرفان و ادراکک شعله یاش اولنه یه باشلادیغنی حس ایتدیلر . بو حس اونلری شباته ، صوک درجده مقاومت تشجیع ایلدی . آرتق مضطرب دینت بونلره قارشی نه قدر شدتله صولت ایدرلرسه اوندن دهها قوتلی بر صورتده مقابله کورمه یه باشلادیلر . نهایت مدافعه صوک درجه یی بولدی . ایکی طرفک قوتلری توازن حاصل ایتدی .

بونک اوزرینه دین طرفدارلری قانون التهنینک احکامی ایچون رد و استیفاف قابل اولدیغنی آکلایه رق یلکنلری صویه ایندیردی لر . بوسفرده استعمال قوتله استحصال ایدمه مدکلری بر ظفیری رفق ایله اجراز طریقنه سلوک ایتدیلر . فقط بویولده کی سغیلریده هدر اولدی .